

آبونه شرائطی

ممالك عثمانیه ده سنه لکی (۶۵)، آلتی
آیلغی (۳۵) غروشدر .
ممالك اجنبیه ده سنه لکی (۱۷)، آلتی
آیلغی (۹) فرانقدر .

اداره خانه

باب عالی جاده سنده دائرة مخصوصه

اخطارات

آبونه بدلی پشندر .

§

مسلكه مرافق آثار مع الممنونیه قبول
اولنور . درج ابدلین یازیلر اعاده
اولونماز .

المجله

س ۶ ۱ ۳ ۳ ۰ ۱ ۳ ۳ ۰ ۱ ۳ ۳ ۰

دینی ، فلسفی ، علمی ، ادبی سیاسی هفته لقی مجموعه اسلامیه در .

والله یهدی من یشاء الی صراط مستقیم

صاحب و مدیر مسئول : ح ادیب اشرف

اتبعون اهدکم سبیل الرشاد

اخطارات

رساله مزدن آلتدیغی کوسترملک شرطیله
بتون یازیلر هر هانکی برغزته طرفندن
اقتباس اولونه بیلیر .

§

مکتوبلرک ، امضالری واضح و اوقوناقلی
اولسی و آبونه صره نومرودی محتوی
بولونمسی لازمدر .

§

ممالك اجنبیه ایچون آبونه اولانلر
آدرس لرینک فرانسزجه ده یازلمسی رجا
اولنور .

§

پاره کوندرلدیکی زمان نه یه دائر اولدیغنک
واضحاً بیلدیرلمسی رجا اولنور .

مقتضیات

حفظ حیات ، حب وطن

امری اوامر الیهیک الی مہملندر

الک ترقی پرور ، الک مدنیت کستر بیرمنبع قوانین حیات اولدیغنی
الک خلافکیری کچین اعداسنی بیلہ اعترافده مضطر بیراقان قرآن حکیم
مؤمن ومعتقدلرینہ خطاباً : « لاتسفکون دماءکم ولاتخرجون انفسکم
من دیارکم ... [۱] : کندی قانلریکزی دوکیمکز وکندیکزی نوز
اللریکزلہ کندی دیار کزدن - یعنی کندی وطن کزدن - چیقارمیکز ! »
بویوریور .

آیت جلیلہ نظاماً نفی اسلوبیلہ شرف وارد ایسده معنای نہی در .
ہمده نہی تحریمیدر . اتحاد دینی ، کہ وحدت ملیہ اسلامیہ در ،
پارچالامق ، کرک قومیت وعنصرت وکرک ہرہانکی بیر صورتلہ
اولورسہ اولسون مخاصم فرقہلرہ آریلاراق سیف شقاق ونفاقہ صاریلق
ویکدیکرینک خون ناحقنی دوکوب بالنتیجہ دشمنک تجاوز و تہاجی
قارشیندہ ترک دیار ایتک نہ بویوک جنایت دینہ و حرمت قرانیہ در !
اعدای دینک آمال استیلا جویانہ سنی حربدن زیادہ داخلی
اختلاللارک تسہیل وتأمین ایتدیکنی تاریخ یزہ یوزلرچہ امثالیلہ
بیلدیردیکی کبی ایشته شو بالقان حرب مشومی بیر دہا کوستردی .
مؤمنلرک جہالت وعظالتلہ ، سفاهت ومسکنتلہ قوای حیاتیلرینی ، شوکت
وسطوت ملیہ وسیاسیلرینی ضعفہ دوشورہ رک دشمنلرینی جسا
رتلندیرمہلری ، ینہ اوہائل فتنہ استیلا یہ دوچار اولاراق قانلریک
دوکولمسنہ سبیت ویرمہلری وبقیہ السیوفنک بوتون ماملکلرینی بیراقراق
چیریل چییلاق ترک دیارایلہ سفیل ، ذلیل ، موت آلود بیر حیاتک
آغوش فلاکت آفریننہ التجا ایلہلری آیت جلیلہ نک شدتلہ منع وتحریم
ایلدیکی ایکنجی بیر صورتدر . خلاصہ : ایستر وحدت ملیہ اسلامیہ
قومیت خنجرلریلہ ، عنصرت ییقلریلہ پارچالامق ، ایستر جہالتہ تسلیم
عنان ایلہ حقیقی ضعف وذلندہ خواب سفاهت ومسکنتہ دالاراق اعدای
دینک قیلجی آلتہ دوشمک وکندی نوزالاریلہ کندیلرینی آنا یوردندن
چیقارمق حراملرک الشنیعی ، عنداللہ الک آغیر مسؤولیت آوریدر .
انسانک ، کندی نفسنہ یادیغنی فنالغی الک تہلکلی ، الک بی امان خصم
جانی بیلہ یاپاماز .

جناب حق انسان بی حیاتیلہ یاراتیر ؛ اوکا بیردہ حق حیات ، یعنی
حیاتی محافظہ ایدہجک بیر قوت احسان ایدر . حیاتی تہدیدایدن
اعداسنہ قارشنی نفسنی - ہرنہ صورت ، ہرنہ واسطہ ایلہ اولورسہ
اولسون - مدافعہ ومحافظہ ایتک اونک الک مقدس ، الک مشروع بیر
حقیدر .

قانون ، مدافعہ مشروعه عن النفس صورتیلہ بالاضطرار ووقوعبولان

[۱] ۱۴ نجی سورہ جلیلہ ۱۰۸ نجی آیت

قتلک فاعلنی نیچین محکوم ایتیور ؟ نہدن اضطراری قبول ایدیور ؟
یاشامق حقنہ کیم کیمدن زیادہ مالک اولدیغنی ادعا ایدہیلیر ؟ کیم کیمہ :
« ہم حیاتم سنککندن مقدسدر ، سنی ایسترسہم تولدورہیلیریم ! »
دی بہ بیلیر ؟

حیات بیر اولدیغنی کبی اوامانت کبرای الہیہ بی طاشیان ہر فرد بشرک
یاشامق حقنہ بیردر . اومقدس حقہ ہر کیم بلا سبب ، بغیر حق ظلماً
وعدوناً تجاوز ایدرسہ عینیلہ کندی حق حیاتی پامال ایتمش ،
تولدورمش اولور ، بناء علیہ اونک یاشامق حق قالماز . بویوریورسون
دار اغاجنہ !

حقیقی بیر مؤمنہ کورہ جوہر ایمانی جانندن یوز بیٹ کرہ معزز
ومقدس ایکن حیاتی قطعاً مدافعہ ایدہمیہجکی بیرعجز مطلق ایچندہ
تولوملہ ترک دین آراسدہ مضطر قانجہ ایمان لفظنک فدا سنہ جناب حق
لطفاً مساعده بویوریور ، قرآن حکیم « الامن ا کرہ وقلہ مطمئن
بالایمان = مؤمنک قلبی نور ایمان ایلہ منور اولدوقدن صوکر ا کراہا
ترک دین ایتہسنک حکمی یوقدر . [۲] » بویوریور . عجیب حکمتی
نہدر ؟ ثبوت ، حیاتک ہر شیدن مقدس اولمسنندر .

چونکہ بوتون احکام اوامر ونواہی ایلہ مکلف ومأمور اولان
حیاتدر . موت دکل ! حیات کیدنجہ نہ قالیر ؟ بیر نعش بی روح ...
دکل ؟ تولوبہ ، مقبرہ یہ . عظام رمیمہ یہ احکام تعلق ایدرمی ؟
دوشونہلم کہ : ایمان کبی بیر سلطان حقیقہ الحقایقک - ولوصفت
لفظیلہ سنک قلیج ٹونندہ - فدا سنہ مأذون اولان بیر مؤمنی - بویئندہ
لغت حلقہ سی کبی صارقان تحتہ پارچہ سیلہ - اجرای اسلام واحکامہ ،
احکام امر ونہیہ دکل ، افشای ایمانہ امکان قالیرمی ؟ یا ایکی کون صوکر ا
بولہ ا کراہا ترک دین تہلکہ سنندہ بولونان بیر مؤمن او ہلای ہائل
دفع ایدہجک اسباب ولوازمک عاجلاً استحضارینی براقیردہ قوتنی ،
قدرتنی باشقہ یرلرہ صرف واستہلاک ایدہیلیرمی ؟

جناب حق ، مکرہک لفظاً ترک دینہ مساعده بویوریور ایسہ
او مدہش ، او ایمان سوز فلاکتہ آووج آچسین ، چاناق طوتسونی
دیور ؟ بویلہ سی نظر قرأ ندہ مکرہ مضطر عداولنورمی ؟
ایشته بو حکمتہ مبنی در ، کہ کتاب مجید : « یریداللہ بکم الیسر
ولایرید بکم العسر = اللہ سزدہ قولایلغنی ارادہ ایدیور ، کوجلکی مراد
ایتیور . » [۳] بویوریور .

ارادہ تسیری اثبات ، ذاتاً ارادہ تسیری نفی ایکن « ولایرید بکم
العسر » جملہ عاطفہ سیلہ تنصیصاً تکرار بویورلمسی شان الوہیتک
شائبہ ظلم وتضدیک ذرہ سندن منزہیتہ ، قوللرینہ کمال مرحمتک نہقادر
واسع ، نہقادر جہان شمول اولدیغنہ نہ واضح بیر برہان ازلیدر .

ایشته ینہ بو حکمتہ اشارہ در کہ : « وماجعل علیکم فی الدین من

[۲] ایکنجی سورہ جلیلہ ۷۸ نجی آیت

شرقی : (شان) ، (قارمه) اراضیسیله ، (تهناسرین) قراد قصبه لرینی شاملدر . [یاقوت معدنیله بالجه معادن سائر بواوچنی قسمده واقع اولمشلردر .] برما ، هندستانك اك بویوك ایالات شرقیه سندن اولوب ، مقر حکومتی (رانفون) - ساحلدر - قصبه سیدر . میلو نلرجه نفوسه مالک اولان بوايالتك بر چوق ملحقات وتوابی بولنوب ، جمله سنی بردن بر والی اداره اینکدهدر .

ملکائی : Arakan (آراکان) طاغلق یرلردن عبارت اولان بونواحیده متعدد تپه لر موجوددر . تپه لک ذروملری اولدجه یوککدر . ۱۸۲۶ سنه مسیحیه سنده انکتره نك زیر اداره سنه کچمشدر . نفوسی سکن یوز بیکدر .

The Chin Hills (چین) تپه لری - اراضیسی - ۱۰,۲۵۰ میل مربع اراضی بی اشغال ایدر . مذکور یرلرده زراعت ، حراشه الویریشلی یر هان یوق کیدر . مسطح اراضی ایسه طاغلر اراسنده کی وادیلردر که پک درین وجوقورلی اولدیغندن قابل اسکان واعمار دکلددر . چنزار ومنبد - اراضییه نادرأ تصادف ایدیلر . کویلرک جمله سی طاغلرک تپه لرند و اقمدر . جبال مذکور ه نك قسم اعظمی چیلاق وزراعت کورنیور . بعض طاغلر اهالی محلیه نك احتیاجاتی تأمین ایدمک قدر مزروعددر . انجق جسمیم وکونش کورمز اورمانلر کثیردر . مشهور (مانپور) نه ری اراضی مذکورده داخلنده اولوب یشاغی سطح مجردن ۱۳۰۰ قدر مرتفعدر . مشهور Haka طاغی قوجه بر سلسله تشکیل ایدرک یتش میل قدر امتداد ایدر . بو طاغک اک یوکسک ذروم سنك دکز سطحندن اولان ارتفاعی اون بیک قدمدر .

اراضی مذکور ه نك تکمیلی انجق ۱۸۹۵ سنه سنده انکتره نك زیر اداره سنه کچرب هندستانك تمامیت ملکیه سی تشکیل ایشدر . بواراضیده اسرار حیات ایدن نفوسک مقداری یوز بیکدر .

The Kachin Hills (کاجین) تپه لری برما ایالتك شمال ، شمال غربی ، شمال شرقیسنده واقع بولان اراضی بی اشغال ایدیلر . شواهی مرتفعه یه مالک اولان جبال سلسله بواراضیده چوچه در . ثروت طبیعی سی نقطه سندن اراضی مذکورده زنکینجهدر . مذکور اراضینك وسعی ۱۹۱۷۷ میل مربعدر . نفوسی یوز بیکی متجاوزدر .

Nortsern District شمال جهتنده واقع قرا وقصبه لرده برچوق اورمان ومعادن موجوددر . غایت طیانقلی و متین اولان Teak آغاجلری مذکور اورمانلرده میذولا بولمقده ومملکتك باشلیجه منابع ثروتی تشکیل ایلکدهدر . واقصبات مذکورده ۴۰,۸۴۲ میل مربع اراضیدن عبارتدر .

Dry zone یاخود Irrauody Delta برما ایالتك اراضی معموره ومنبت سندن معدوددر . زراعت نقطه سندن زیاده سیله زنکین اولان اراضی وقرا هپ بومنتقه داخلنده واقع اولمشدر . بوراده کی مزراع وچفتلکارده بوغدا ، آریه ، پرنج وهردلر ذخیره وجوبات زرع ایدلکدهدر . پرنج محصولی حددن آشوریدر . بالجه برما وهندستانی اداره ایدمک قدر بورالرده پرنج اکیلکدهدر . هر سنه اوروپایه کلی اخراجات وسوقیات وقوع بویور . اراضی مذکور ه نك وسعی یتش بیک میل مربعدر . بومنتقه برما ایالتك کوزی وانکلز خزینه لرینك منبمی کی تلقی اولمقدهدر .

ایراوادی نه ری فرات ودجله قدر جسمیم وامتدادلی بر نه ر دکلددر . فقط عملیات اسقائیه واروائیه ایله علم وفن سایه سنده مذکور ایکی نه ردن ده ا زیاده فوائد عظیمه یه مالکدر . نه ر مذکورک بر طامله صوبی بوش یره آقر . زراعه حساب ایله یاره مقابلنده صو ویریلر . بویوزدن حکومت محلیه سنوی میلو نلرجه لیرا قازانمقدهدر .

اصلاحات پشنده قوشانلر - بوجه ایله ملت ودولته منسوب اولان لیدرلری قصد ایدیورم - قوجه عراق ایله دجله وفرات ، شط العرب نه رلری حقنده نه کی تصور ایدم بولنیورلر ؟ نه زمان بومنابع ثروتدن استفاده بولنی تأمین بویوره جقلردر ؟ !

Sittang (سیتانغ) قضا سنك مساحت سطحیه سی ۲۵,۵۰۰ میل مربع اولوب ، طاغلق یرلردن عبارتدر .

خرج [۴] = الله ، احکام دینده سزک اوزر یکزه حرجک تضییقه ذره سنی بیله تحمیل ایدمی . « فخرالدین رازی تفسیر کبیرنده دیور که : « خرج ، لسان اقدس جناب رسالت انبیاء اعظمیدن مروی بر حدیث شریفده (دارلق) ایله تفسیر بویورلمشدر . »

جناب ارحم الراحمین بودارلنی (من) اداة استغفر ایله تا اساسندن نفی بویورنیور . (حرج) بیر نظم عامدر که وارلق نامنه بوتون مسمیانت شاملدر . احکام دینده مرهانیکیسی حتی دینك اصل الاصول اولان ایمان بالله ، مکرمه بیکریوه حرجه دوشرسه در حال نفی او حکمک ثونه کچر .

اساساً احکام دینیه مزک هیچ بریسنده دارلقک ذره سی یوقدر . بو ازلاً اراده یسر ایله منفیدر . دارلنی تولید ایدن اعراض شئون وموانع حادثدر . مانع زائل اولنجه ممنوع عودت ایدر .

دینی ، جناب حتمک قوللرینه احسان بویوردینی بیر قانون انسانیت ، بیر دستور مدنیت ، بیر مرشد شاهراه سلامت وسعادندر . قانون استقبال ایچیندر . استقبال ایسه دائماً تجدد ، دائماً ترقی وتکاملدن عبارتدر .

انسان ماضی ایله یاشایا بیلریم ؟ بونی ادعا ایدنلرک لباس حیاتی قهرستانده ، او اقلیم عدمدهدر . کیدرلر ، اوراده یالیزیلی محتمم مزار طاشلری آلتنده اجدادلرینک براقش اولدوغی حیات رمیمه یی اکتسا ایدرلر . سر خلقی ، وظیفه انسانیتی بیلیمینلر ، سعی وعملدن ، عرفان وجدلن ؛ اسلامیتی ، انسانیتی یاشاتمق ، عزت ورفعتیه ، شان وشوکتیه ، بوتون ترقیات وتکاملات مادیه ومعنویه سیله نسل مستقبله تودیع ایتمک زحمتدن آزاده قالمق مصون التعرض بیر عزلتکاه سکون ایچنده بویلو بویجه اوزانارلق فردای حشره ، او مدهش انقلاب کبرایه قادار یاتوب اویومق ایسته ینلرایچین اونه آسودنده راحت کزین بیر جهان عدمدر .

« ابدال مساعیده قصور ایتمه ، که اولش »

« وابسته بو عالمده سکوتک حرکاته »

« موتا یاقیشیر وارایسه راحت دوشکنده »

« اقدام وتحمل کرک ارباب حیاته »

م . فخرالدین

مکاتیب

هندستان بخابر مخصوصزدن :

برما ایالتی

تقسیمات ملکیه سی : برما ایالتی اوچ قسمه تقسیم ایدلشددر . غربی ، وسطی ، شرقی . قسم غربیسی : (چین) ، (کاجین) ، (کانا) ، (مه یکنینا) ، (بهامو) اراضیسی احتوا ایدر . قسم وسطی : ایراوادی نه رینک حوضه سیله دلتاسی ، (سیتانغ) ، (سالوین) نه رلیله اطرافنده کی اراضی مزروعه یی محتویدر .